



Шорго эл, порумук да гун берр!

42-шо (3274) №,
2016 ий 15 октябрь,
шуматкече.

ЯМДЕ ЛИЙ

1933 ий 1 февраль годсек лектеш.

0+

Шыже шортньыжым шав



Д.ЛИХОБАБИНАН фотожо.

Кызыт

школлаште «Шыже бал» эрта. Тидын годым кежеж гоч ончен куштымо пакчасаскам луктын оптеда, сылне пеледыш аршашым ямдыледа, концерттым ончыктеда – икманаш, шыжым моктеда. Ёдыр-влак мотор деч мотор тувырыштым чиен мият. Эн сбрал костюмлан конкурсым увертарат, балын эн мотор ёдыржым ойырат. А кён ойыртемалтмыже ок шу?

Теве Москва гыч Советский районысо Ёшнёр ялыште ылыше коча-коваж дек унала толшо изи Лизук да Валерия тукым акаже шортньо лыштан гыч могай мотор вуйшёдышым ыштенят! Пайрем касыш чияш гын, чынжымак, тыйым принцессылан шотлат!

Лидия СЕМЕНОВА.

Подписке-2017

Лотерей модышыш ушно!

2017 ИЙЫН I ПЕЛЫЖ-ЛАН «ЯМДЕ ЛИЙ» ГАЗЕТ-ЛАН ВОЗАЛТЫНАТ?

Квитанцийын копияжым редакцийыш колто да **ЛОТЕРЕЙ** модышыш ушно!

Пөлек-влак:

♦ тунемме ёзгар-влак; ♦ книга; ♦ влак; ♦ баскетбол мече; ♦ 100 чупа-чупс. **Тўн приз – ПЛАНШЕТ!**



13-23 ОКТАБРЬЫШТЕ ПОДПИСКЕ ДЕКАДЕ ЭРТА.

«Ямде лий» газетын акше - 248 тенгеат 46 ыр. Индекс: В8574.




«ЯМДЕ ЛИЙ» газет –



Волжский район Сотнур школыш пуримеке, шуко тунемше улмо вик шижалте: урокла кокласе каныш годым коридор икшыве йӱк дене теме. Тыште 220 йочалан шинчымашым налаш да виян кушкеш чыла йӱн уло. Урок деч вара ятыр кружок пашам ышта. Кугурак ӱдыр-рвезе-влак «СОБР» клубыш (вуйлатыше О.В.Иванов) коштыт. Изирак класслаште тунемше-влак «Сылнымут сескем» кружокым (вуйлатыше А.А.Сапаев) ойырен налыт, «Ямде лий» газет дене пеггыде кылым кучат. Вашлиймаш годым чолга юнкорна-влаклан сертификатым кучыктышна.

Чылымше классыште 25 йоча тунемеш. Нуным кугу опытан педагог А.В.Суворова (снимкыште) туныкта. Алевтина Владимировна уроклаште «Ямде лийым» кучылтеш. «Газетыште савыктым текст-влак почеш диктантым возыктем. Оңай йодыш-влаклан, кроссвордлан ваимутым кычалына», – ойла туныктышо. Йоча-влак пырля тунемше Юлиана Антонова (снимкыште) дене кугешнат. Тудын дневникыштыже – чыла «визытан». Портфолиожо эн кӱжгӱ: 60 утла грамотшо да дипломжо улыт.



Моло фотом «ВКонтакте» соцсетыште vk.com/yamde_lii электрон адрес дене ончыза.

Мӱндыр йолташем

У газетым кидыш нальым,
Мом возат гын - палынем.
Сай уверым да оңайым
Лудын-лудын шер ок тем.
Сӱретан мотор газетым
Ончыштам мый,
йывыртен.



Марий Эллысе
«Ямде лийым»
Мые пеш чот йӱратем.
Ангелина ИСИНБАЕВА.
Пошкырт кундем,
Чашка ял.

Историйым шергалына 1813

ий 18 октябрьште руш армий ден союзникше-влак Лейпциг воктене Наполеонын войскажым сененыт. Тиде кредалмашым «Битва народов» манят. Ты сеналтмаш Францийын Европысо кугужанышлаште озаланымыжлан мучашым ыштен.

* * *

Ионический тензызын Наварин бухтыштыжо лийше кредалмаш эн кугулан шотлалтеш. Тудо 1827 ий 20 октябрьште лийын. Руш флот, Францийын да Английын флотшо дене ушнен, турко флотым кырен шалатеныт.


Сотнур школышто

Таумутна



Кумшо «Б» классыште тунемше-влак пеш кумылзак улыт: туштылан вашмутым ружге кычалыт, йодышым пуэдат, сүретлаш йоратат. Диана Осипова (снимкыште) муралтенат пуыш. Тыгай пöлекым туныктышыжлан, Людмила Викторовна Андреевалан, ыштыш. Дима Огурцовын (ўлыл снимкыште) заметкыже, сүретше-влак «Ямде лийыште» ятыр гана савыкталтын.

«Школым тунем пытарымеке, пожарный лияш шонем. Тыгай профессионалымына лаштаза капкылан, лүддымö, чолгада вяян лийман», – ойла Дима.



Североморскышто илыше III ранган капитан, писатель **Василий Владимирович КРАСНОВ** шочмо Сотнур школышкыжо «Ямде лий» газетлан подпискым ыштен.



2017 ий гыч лу йочалан почтальон газетнам намяш тўналеш.

Дима Дмитриев (снимкыште) – 2-шо классын спортсменже. «Кросс нации – 2016» районсыо тагасымаште иктагашыже-влак коклаште кумшо верыш лектын. Тунеммаштат вараш ок код: дневникыштыже «4» ден «5» койыт. «Туныктышем Варвара Александровна Александрова «Тений удан возаи тўналынат» манеш, – ойла Дима. – 1-ше классыште арун возenam. Ситыдымашем корандаи тыршем. Икымше чырыкым сай отметке-влак дене тунем пытарынем». 2-шо классыште тунемше рвезе-влак чыланат спортлан шўман улыт. Амалжат рашеме: каласкалым ышт почеш, нуно ончыкыжым илышыштым военный службо дене кылдынешт.



Шыже озалана

Тенийысе шыже ояр кечыж дене калыкым куандарыш. Каваште ик лапчык пылат койын огыл. Тыгай шыжым кенеге дене тагастараш лияш.



Анжела ГАВРИЛОВА,
3-шо «Б» класс.

Ксения ТОПОРОВАН сүретше.

Ояр шыже кужун ыш шуйно. Кандамге шем пыл кавам петырыш. Чўчкыдын йўр йўреш. Пушенге йымалан кўжгын вочшо нарынче лышташ-влак чылт нöрен пытенят.

Даша ВАСИЛЬЕВА, 4-ше класс.

Л.ГРИГОРЬЕВА, Н.СЕМЕНОВА ямдыленят.

Пöлек



Йошкар-Ола.

Туныктышо-влакын пайремышт кечын 19-ше номеран школын 5-ше «А» классыштыже тунемше-влак туныктышо-шамычлан сылне аршашым кучыктенят. Дарья Заколупина, Юлия Кузнецова, Валерия Курицына (снимкыште) кагаз гыч 42 сылне розам ыштеныт.

А.КУЗНЕЦОВА.

Вучымо пайрем

Таче мотор кече – Чот вучымо пайрем. Шыже сывын дене Школышко каем. Пеледышым погалын, Учителылан пуэм. «Тау», – шыргыжале, Мыйым вўчкалтен.

Валя КАНБЕКОВА.
Волжский, Кугу
Корамас.





Марий лидер



Ур гае писе

«Ончыза-ончыза, изи веле, кузе писын куржеш! Ур гае!»

Та на с ы м а ш ы м ончаш толшо кугыен-влак, Ёлыл Азъял рвезе Юлиан Денисов ўмбаке кидышт дене ончыктен, ик гана веле огыл тыге ойленыт. Юлиан вич ийымат темен огыл, тунамак икымше кугу таңасымашыш лектын. Сенымаш пайремлан пӧлеклалтше кроссышто 1-4-ше класслаште тунемше-влакым чылаштым эртен да 1-ше верым налын!

уло Россий гыч 74 команде ўчашен. Тунам марий рвезе Юлиан Денисов 1000 метрыш куржмаште 1-ше верым налын! Могай куан!

Ачажат Юрий Алексеевич жапше годым тале футболист, куржталше семын чап-ланен. «Дружба» озанлыкын футбол команддыштыже модын.

Юлиан – футболист

7-ше классым пытарыше Юлианымат «Дружба» футбол команддыште модаш йодыныт.

- Тиде 2014 ий 7 июньышто лийын, - кечыжымат шарна Юлиан. - Тунам команддыште ик еҥ ситен огыл. Икымше модмаштак голым пуртенам, а шкеже «Мыйым командыш эрелан налыт гын, йӧра ыле» шоненам.

Ийготшо изирак лийын гынат, налыныт вет: ынде кумшо ий ты команддыште модеш. Шукерте огыл районышто 1-ше верыш лектыныт.

Россий кўкшытыштӧ

Тунемшыжын куштылго атлетикылан

Юлиан – тренер

Юлиан шкежат тренер лийын ончен. Да эше могай! Тудын вуйлатыме «Петъялочка» ўдыр-влакын футбол команддышт кум ий ончыч республикыште 3-шо верыш лектын!

Мый ўшанем, Юлиан шке шонымашкыже шуэш. Койыш-шоктышыжо тудын пенгыде. Кумылжат поро. Сайын тунемеш, мероприятийлаш ушна, тудым вўдышылан шогалтат, ой-канашымат йодыт. Юлиан - ўшанле йолташ. Йолташ верч тулышкат, вўдышкат пураш ямде. Шкенжынат тыгай йолташыже уло – Дима Аканаев. Вучыдымын лекше чаракым сенаш полша.

- Тўн эҥертымеш ачай ден авай улыт, нунын ойышт мылам шерге, - оила Юлиан.

- А эше чыла нелылыкым сенен лекташ йӧратымаш вийым пуа, - шыргыжал ешарыш мучашлан.

Шерге шонымаш

10-шо классыште тунемше Юлиан Денисовын шерге шонымашыже уло: **2020 ийыште эртаралтшаш Олимпиадыш логалаш!** Мом тидлан ыштыман? Профессионально тренироватлалтман. Сандене тудо Россий кўкшытан таңасымашлаште палыме лийме рвезе-влак деч профессионал тренерым муаш полшаш йодын. Кызыт

Юлиан - пошкудо Татарстан Республикын куштылго атлетике дене командыжын тўн тренерже И.Л.Павловын воспитанникше. Тудо Татарстан Республикын команддыштыже.

Анфиса ЭМАНОВА.

Волжский район.

Ўшан шонымашке шуаш полша.

шўман улмыжым ужын, Пӧтъял школышто физкультурым в ўдышӧ Альберт Аркадьевич Семенов Юлианын ачаж дене пырля рвезым кўлынак тренироватлаш тўналыныт. Юлиан таңасымашлаште сай деч сай результатым ончыктен. 2013 ий сентябрьыште Пӧтъял кыдалаш школын командыже Краснодар кундемысе «Смена» йоча рўдерыш «Президентские состязания» таңасымашыш миен. Тушто

Каңаш клуб

Сценыште – у спектакль



Маша, кок ачан улмыжым пален налмеке, самырык чонжым туржеш. Марий Элысе йоча да самырык-влаклан театр-рүдер (ТЮЗ) 26-шо тургымжым ты спектакль дене почо. Драматург-влак В.Григорьев ден З.Долгван возымо пьесышт почеш, Зинаида Васильевна музыкальный драмым сценыш луктын.

Шоналтыза-ян, ўдыр-рвезе-влак, трукышто те кок ачан улмыдам пален налыда. Иктыже – шочмо але биологический ача. Весыже – эре воктене улшо, тыйым ончен куштышо. Тидлан орман огыл. Кызыт илышыште тыгай сўрет чўчкыдынрак да чўчкыдынрак палдырна. Яллаштат вашлиялтеш. Тыгодым ийготыш шудымо икшывылан кузе лийман? Мом ыштыман? Тура илыш савыртышыште титаканым кычалман мо? Теве «Ачай, ачием!..» спектаклыште 16 ияш

Спектаклыште ача-ава да йоча кокласе проблеме тўн верым айла. Чын йўраты-маш, икте-весылан ўшанле улмаш, порылык неле илыш йогынышто шотан айдемлийын кодаш полшат. У спектаклым ача-ава, кугурак класслаште тунемше-влак-клан ончашак тыршыман. Пьесыште тарватыме проблемым ешыште каңашыза. **Шонымашдам «Ямде лий» газетыш возен колтыза.**

Л.ГРИГОРЬЕВА.

Закон почеш

Сентябрь гыч уэш «КОМЕН-

ДАНТ ШАГАТ» илышыш пурталтын. 18 ийым темыдыме ўдыр-рвезе-влак 22 шагат касгыч 6 шагат эр марте кугыен деч посна общественный верлаште лийшаш огытыл.

Кумирем тамакым ок шупш

М.Шкетан лўмеш **Марий** национальный драме театрын артистше **Акпарс ИВАНОВ** ойла:

– Вик каласем, тамакым ик ганат шупшыш омыл. Театрыште пашам ыштыше йолташ-влакат шукышт огыт шупш. Москваште тунемме годым южышт изиш модыч, но кудалтышт. Кызытсе молодёжь палышаш: тамакым шупшаш модно огыл. Тидым кажне самырык еҥ умылышаш да йолташыже-влаклан умылтарышаш. Мыйын шонымаште, тамак оксам гына огыл пытара, а аярже самырык кушшо организмлан эҥгекым ышта.

– **Тамакым шупшо ўдыр-влак нерген мом каласет?**

– Тыгай-шамычым чытенак ом керт.

– **Спектаклыште тамакым шупшо геройым артист-влак кузе ончыктат? Сценыштак шупшыда?**

– Тыгай роль мыланем але логалын огыл, но закон почеш сценыште тамакым шупшаш ок лий. Москваште тунемме жапыште тиде закон лектын огыл ыле, сандене йолташ-влак сценыштак чын сигаретым тўргыктенят. Поснак сарнерген постановкылаште шупшаш пернен. Шупшо еҥым модаш логалеш гын, электрон сигаретым кучылташ темлат.

Н.СЕМЕНОВА.



Рвезе йўр

Шыже тўс

Уремым авалтен пычкемыш,
Ом мале мый,
омем уке.

Шинчем пўртўнчылнў

йўр йўкым колышт

Да семынем ты корнылам серем.

Шке тўсшым кондыш шыже кече:

Йўштў мардеж да пытыдыме йўр.

А шарналташ гын, вет эше теҥгече

Куан дене шолеш ыле капнаште вўр.

Чонлан ласка да тымык ыле

кече ончыч,

А кызыт тудым йўштў ишыкта.

Шижам: октябрь,

тыяк шеҥын толыч,

Садлан пўртўс

вес тўсшым ончыкта.

Вика МИХАЙЛОВА.

Морко, Кожлаер.



Ноен ярныше ўдыр комдо тич емыжым конден. Но изава ўдырым вурсаш тўналын:

– Йолагай, кече мучко кушто перныйл коштат? Таче вўдымат конден отыл. Кызытак памаш дек ошкыл!

Ўдыр пычкемыш гынат, вўдварашке кок ведрам сакен, вўдлан каен. Чодыраште коштын чот

мын. Мланде деке изиш веле шуын огыл, чарна- лтен да ўдыр деке ший пашмам колтен. Ўдыр, өрмалген, пашмашке эркин тошкалын. Тылзе пашмам шупшылын да угыч кавашке күзен каен.

Ик жап гыч Кече помы- жалтын да Тылзе шольыж пелен мотор ўдырым ужын. Тудо өпкелалтынат

Тылзе ден ўдыр

Изи ўдырын аваже туешкен колен. Ачаже суртышко изва- тым конден. Тулык йоча сурт кокласе чыла сомыл- кам ыштен гынат, поро шомакым колын огыл. Шочмо аважем шарна- лтен, чўчкидын шортын. Ўдырын орлыкан илышы- жым кумда кава гыч изак- шоляк Кече ден Тылзе эскеренит.

Жап эртен, йытыра кап- кылан мотор ўдыр куш- кын шогалын. Тылзе ден Кече коктынат тудым йөрәтен шынденит.

Ик кечын ўдыр кечыгут олыкышто саскам поген коштын. Касат лишемын.

ноен:

йолжат шўртны- лын, мўшкыржат шужен. Кумылжо тодылалтын, логарышкыже комыла толын. Шўргыж мучко шинчавўд йоген. Тылзе чаманен ончен да йолгор- ныжым волгалта- рен. Ўдыр, ава- жым шарналтен, сукалтен шинчын, йўкын шортын кол- тен. Икмыняр жап гыч шинчажым почын да... Ормаш! Кава гыч Тылзе ўлыкө волен, койын куге-



колтен, но кузе- жым - можым пален налмеке лып- ланен да шольыжын пиалжылан куа- нен. Тыге тулык ўдыр Тылзе пелен ласкан илаш тўналын. Нуно кызытат ваш йөрәтен илат. Пычкемыш каваште йыргеш- ке тылзым тўс- ленрак ончаш гын, вўдварашке мужыр ведрам сакен ошкылшо ўды- рым раш ужаш лиш.

Э.В.ЗАХАРОВА.

Параньга, Матародо.

Маска, Шукш да Лыве

Кугу чодыраште Маска илен улмаш. Икана тудо корно дене нушшо муньырий Шукшым вашлийын. Чодыра оза öрын йодын:

- Эй, Шукш! Тыгай йөрдымыжө молан шочынат?
- Жап эрта – пален налат, – вашештен Шукш.

Маска шке корныж дене соптыртатен. А Шукш уло кертмын нөргө ужар лышта- шым кочкаш пижын. Кочкын-кочкын, «курчакыш» савырнен да мален колтен.

Кум арня шижде-годде эртен каен. Пушенге укшышто кечыше «курчак» тарваны- лаш тўналын. Тушеч Шукш олмеш мотор, ковыра Лыве чонештен лектын.

Маска ден Лыве вашлийыныт. Тореш чапа öрын йодын:

- Тый кө улат? Кушеч тыгай мотор толынат?
- Шарнет саде йөрдымө Шукшым? Мый лач тудо улам!
- Ой-ой! А кузе тыге?! – шинчажым каралтен Маска.

– Эх, чодыра оза, тидымат от пале. Шонашет паша! – манын чевер Лыве да пеледше олыкыш чонештен.

Маска öрмыж дене таче мартеат шонен коштеш: «Кузе тыге?.. Ала-могай оккүл Шукш мотор Лывыш савырнен кертын?»

Йомак – умбак, мый – тембак! Катыш кўмыж – конгамбак!

Юлия АНИСИМОВА.

Морко, Коркатово.

Сылнешт, чодыра!

Чашкер, шуйналтын,
умбачак лойга,
Кочамже шыргыжалын каласа:
«Ик шот ден(е) сай:

лиеш чодыра,
А нур, пасу тунам пытат».
Чодыра чодыраштак дыр
лийман:

Кожер, пүнчер поян иман,
Йöre ваштар, куэ да писте,
Коклаште йүксын лийже ер.
Тунам гына чодыра – куан.
Пасу поян, улан киндан.
Тыге гыч, мый моткоч көнем!
Куштыран пасу –

коржеш чонем.
Мый Чүкшö курыкым ончем:
Персид ковёржо ончылнем.
Салтакла пүнчö-влак шогат.
Уйвонго, снеге ден сийлалт.
Тек кушкыт.

Курык курыкак кодман,
А төр мландеш, ялла воктен,
Тек шочшо киндыже умен.
Чодыра, чодыра,
марий чодыра!

Лойгалт сылнештын сывынла!
Дарья АЛЕКСАНДРОВА.
1-ше №-ан Морко школ.

Ялемлан

Ой, могае сылне
Шочмо ялыштем!
Улат мылам эн шерге,
Ойдем: «Тый ит шонгем!»
Кажне шошым ошын



Н.СЕМЕНОВАН фотожо.

Ялем пеледеш,
Марлан кайышаш
үдыр

Пуйто шогылтеш.
Ялем авалталын
Ош йолан куэр,
Йога коремлаште
Ший вүдан энер.

Ила марий калык
Тыште ваш келшен,
Юмылан кумалаш
Отышко коштеш.
Код, ялем, тыгаяк
Сылне пүртүсан,
Лий тый, шочмо калык,
Поро кумылан.

Валерия ГЕРАСИМОВА.
Морко, Нуж-Ключ.

Чавайнлан

Кö ок пале гын Чавайным,
Эн чолгам да мутмастарым,

Кудымшо
октябрьште Морко по-
сёлкышто «Чавайн лудмаш»
районный конкурс эртен. Йоча-
влак кум тўшкаште мастарлыкш-
тым тергеныт: Чавайнын прозыжым
да поэзийжым лудыныт, шке возимо
(авторский) почеламутыштым жу-
рилан аклаш темленит. Тен-
дамат палымым ыштена.

Шке калыкшым пагальшым,
Сылнымутым пойдарышым?
«Элнет» романет лудына,
Сценыште ылышет шерына,
Моктеммурым

Тылат мурена,
Талешке улат мыланна.
Эрлашке арун тошкалаш
Күлеш тыршенак тунемаш.
Поэтын сылнымут аршаш
Полша мыланнаже илаш!

Мария МИХАЙЛОВА.
2-шо №-ан Морко школ.



21 октябрь - Олмаң тўнйамбал кечыже

Олмаң
кечыжым 1990
ийыште Английыште
палемдаш тўналыныт. Ты
кечын тўрлö сорт олмам,
олма гыч ыштыме кочкышым
тамлат, шындышаш олмапум
ужалат. Российыште Шурно
кече семын палена.

1976
ийыште ик
американке 11
шагатат 30 минут
олмам эрыктен.
Тыгодым 52 м 51 см
кутышан олма
шўмым луктын.

Снимкыште Полина Ивановам ужда. Тудо Волжский
районысо Пöтгьял школ пеленысе йочасадыш коштеш.
Ончалза, тений Татьяна Владимировна коважын олмапужо
мыняр олмам пуэн! Чылт «Гуси-лебеди» руш йомакысыла
коеш, вет?

Индекс: Марий Элыште - 78574,
вес кундемлаште - 52713.
Тираж 1150 экз. Заказ 2603.
Формат – А-4-8.
Директор-тўн редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республикы-
се культур, печать да на-
циональность паша шо-
тышто министерстве, "Ям-
де лий" газет" кугыжаныш
унитарный казенный
предприятий.

Газетым Массовый коммуникаций
сферыште да культур наследийым ара-
лымаште законодательством шуктен шо-
гымым эскерыше Федеральный службын
Приволжский федеральный округысо уп-
равленийыштыже регистрироватлыме.
Номер – ПИ №ФС 18-1999,
2005 ий 10 февральыште
пуымо.

0+

Печатьыш пуымо жап – 14-00,
фактически – 13-00.
Ак – кутырен келшыме
почеш.

Авторын да редакцийын шо-
нымашыш тўрлö лийын кер-
тыт. Серыш-влак мөңгеш огыт
коллат.

Газетым редакцийыште погымо да верстатлыме, «СТРИНГ» ИПФ ООО-што ямде
оригинал-макет гыч савыктыме. Типографийын адресше: 424006, Йошкар-Ола,
Строитель урем, 95.

Редакцийын да издательын
адресше: 424006, Йошкар-Ола,
СССР Вооружённый Вийын 70-ше
идалыкше урем, 20.

Лүмгече



Морко район Коркатово лицейин туныктышыжо, «Ямде лий» газетин почётан юнкоржо **Вячеслав Емельянович СМЕРНОВЫМ** 60 ийым темымыж дене шокшын саламлена! Тудо 30 ий утла йоча-влакым марий йылмым йораташ, шымлаш да пагалаш туныкта, юнкор радамым куштымаште чот тырша. Вячеслав Емельяновичлан пеггыде тазалыкым, тўвыргө паша лектышым тыланена. Тек нимогай ийгот Тендам огеш чактаре.

«Ямде лий» газет редакций.

Конкурсшн пурышо паша



Дима **МИХАЙЛОВ**, 1 ияш, Йошкар-Ола. **М.МИХАЙЛОВЫН** фотожо.

**П
У
Ш
К
Ы
Д
О
М
О
Д
Ы
Ш**

ООН-ын йоча фондшын темлыме почеш 15 октябрь – Кидым мушмо тўнямбал кече. Уремгыч модын пурымеке, кочкаш шичме деч ончыч, шонданыш миен толмо деч вара киддам мушкаш ида мондо! Гигиеным огыда эскергын, осал чер пижын кертеш.

Финн тушто

Кастене да йўдым шортеш, кечывалым шинчавўдиш кошка.

(турец)

1. Пампалчын ший палыже.
2. Йомакысе кова пушенгым мо дене руа?
3. Мо көргеш Пампалче ачаж деке миен шуэш?
4. Вўдон 12 ведра дене мом конда?
5. Вўдкувам икымше гана кө ондала?
6. Пампалчылан акаже мом кудалта?
7. Пампалче Вўдон деч кушан шылын кодеш?
8. Йомакысе идалык жап.

Диана СЕМЁНОВА.
Марий Турек, Арбор.



Янлык-влакын йўмылышттым кычал.



Газетнан кодшо номерыштыже (8-ше лаштык) компьютерна мыскарарам ыштен: кычалаш арвер-влакым йомдарен. Кугу сўретыште теве нине арвер-влакым муман.



Кандаш ойыртемым му.

